



Istinomjer &lt;istinomjer@istinomjer.ba&gt;

**Predrag Kojovic**

1 message

**Predrag Kojovic** <predrag.pierpaolo@gmail.com>  
To: Istinomjer Tim <istinomjer@istinomjer.ba>

Mon, Aug 2, 2021 at 1:34 PM

**KRATKI ZAKLJUČAK**

Ukoliko u prvom izjašnjavanju prijedlog ne dobije podršku najmanje 1/3 poslanika koji dolaze sa teritorije jednog entiteta, Kolegij doma postaje ad-hoc komisija koja treba pribaviti njihovu saglasnost. Ako Kolegij u predviđenom roku to ne uspije, dom ponavlja izjašnjavanje. Tada se smatra da je odluka donosena ako je podrži većina od ukupnog broja poslanika koji su prisutni i koji glasaju, uz uslov da glasovi "protiv" ne sadrže dvije trećine ili više poslanika izabranih iz svakog entiteta. Oni koji nisu prisutni sjednici, ne mogu se izjašnjavati, pa samim ti ne mogu ni biti „protiv“. Zbog toga se ovaj mehanizam neformalno naziva „prisilnom participacijom“ ili „prisilnim učešćem“, kako bi se oni koji bojkotuju rad doma, prisilili na kakvu-takvu participaciju.

Slicne odredbe postoje i u Statutu grada Mostara prilikom izbora gradonacelnika( "prosta vecina" ) i u Domu naroda( klubovima naroda u Parlamentu FBiH.

Tacno je da se zakonodavnim aktima ove odredbe formalno ne nazivaju "prisilna participacija" ali se u dokumentima na osnovu kojih su predložene/ nametnute i u ekspertskim raspravama o Ustavu tako nazivaju.

**POSLOVNIK PREDSTAVNIČKOG DOMA  
PARLAMENTARNE SKUPŠTINE BOSNE I HERCEGOVINE****(Neslužbeni prečišćeni tekst „Službeni glasnik BiH“, br. 79/14, 81/15 i 97/15)****Član 73.****(Kvorum)**

*(1) Većina svih članova izabranih u Dom čini kvorum.*

*(2) Na početku sjednice, za vrijeme njenog trajanja i prije glasanja predsjedavajući Doma utvrđuje ima li kvoruma i o tome obavještava Dom.*

*(3) Ako se utvrdi da nema kvoruma, predsjedavajući Doma određuje pauzu u trajanju do 60 minuta, tokom koje pokušava osigurati kvorum.*

**Član 85.****(Donošenje odluka)**

*(1) Sve odluke u Domu donose se većinom glasova onih koji su prisutni i koji glasaju.*

(2) Poslanici će maksimalno nastojati da ta većina uključuje najmanje jednu trećinu glasova poslanika s teritorije svakog entiteta.

(3) Ako većina glasova ne uključuje jednu trećinu glasova poslanika s teritorije svakog entiteta, predsjedavajući Doma i njegovi zamjenici sastat će se kao komisija i pokušati da osiguraju saglasnost u roku od tri dana nakon glasanja.

(4) Ako to ne uspije, odluke se donose većinom glasova onih koji su prisutni i glasaju, **pod uslovom da glasovi "protiv" ne smiju sadržavati dvije trećine ili više poslanika izabranih iz svakog entiteta.**

## Član 86.

### (Postupak odlučivanja kada većina ne sadrži jednu trećinu glasova s teritorije svakog entiteta)

(1) Ako većina glasova ne sadrži jednu trećinu glasova s teritorije svakog entiteta, Kolegij Doma će, radeći kao komisija, nastojati u roku od tri dana postići saglasnost.

(2) Ako predsjedavajući Doma i zamjenici predsjedavajućeg Doma postignu saglasnost iz člana 85. ovog poslovnika, relevantna odluka Doma smatra se usvojenom, a Dom se o tome obavještava na odgovarajući način. Izuzetno od odredbi člana 21. ovog poslovnika, saglasnost se postiže konsenzusom predsjedavajućeg Doma i zamjenika predsjedavajućeg Doma.

(3) Ako Kolegij Doma ne uspije postići saglasnost ili ako postigne saglasnost novim rješenjem koje nije bilo predmet glasanja u Domu, odluku donosi većina od ukupnog broja poslanika koji su prisutni i koji glasaju, uz uslov da glasovi "protiv" ne sadrže dvije trećine ili više poslanika izabranih iz svakog entiteta.

(4) U slučaju nedostatka kvoruma, te ako nakon pauze predsjedavajući Doma utvrdi ili glasanje pokaže da i dalje nema kvoruma, razmatranje pitanja odgađa se za sljedeću sjednicu.

(5) Ako se poslanik prilikom glasanja ne izjasni "za", "protiv" ili "suzdržan", a prisutan je u sali prilikom glasanja, smatra se da je "suzdržan".

## HRONOLOGIJA ODLUČIVANJA PREDSTAVNIČKOG DOMA KADA VEĆINA NE SADRŽI JEDNU TREĆINU GLASOVA S TERITORIJE SVAKOG ENTITETA

- a. Kvorum za odlučivanje ovog doma utvrđuje se na početku sjednice, za vrijeme njenog trajanja i prije svakog pojedinačnog glasanja. Ukoliko je u tim trenucima prisutna većina izabranih zastupnika i zastupnica (minimalno 22), predsjedavajući utvrđuje da kvorum postoji i o tome obavještava dom. Kada se prije izjašnjavanja o prijedlogu iz određene tačke dnevnog reda utvrdi da sjednica ima kvorum, pristupa se glasanju;
- b. Da bi određeni prijedlog dobio podršku Predstavničkog doma, za isti treba da glasa većina zastupnika i zastupnica koji su prisutni i koji glasaju;
- c. Prilikom odlučivanja treba uložiti maksimum napora da većina uključuje najmanje jednu trećinu glasova poslanika s teritorije svakog entiteta. Maksimum napora, odnosno „maksimalno nastojanje“ se ne može egzaktno mjeriti i ustanoviti. Međutim, ovime se predlagaču daje na znanje da su za jednostavnije usvajanje negovog/njenog prijedloga potrebni kako opća, tako i posebna većina glasova „za“;
- d. Ukoliko prilikom glasanja ovu posebnu većinu nije moguće ostvariti, Poslovnik obavezuje predsjedavajućeg Doma i njegove zamjenike da, radeći kao komisija, u roku od tri dana

- postigne saglasnost, tj. kolokvijalno rečeno pokušaju nagovoriti najmanje jednu trećinu poslanika s teritorije entiteta da podrže prijedlog;
- e. Ukoliko gore navedena ad-hoc komisija u predviđenom roku uspije pribaviti saglasnost za predmetni prijedlog, isti se smatra usvojenim;
  - f. Ukoliko gore navedena ad-hoc komisija u predviđenom roku ne uspije pribaviti saglasnost za predmetni prijedlog odluku donosi većina od ukupnog broja poslanika koji su prisutni i koji glasaju, **uz uslov da glasovi "protiv" ne sadrže najmanje dvije trećine poslanika izabranih iz svakog entiteta;**
  - g. Poslanici prisutni su u sali koji se prilikom glasanja ne izjasne, smatra se da su se po predmetnim prijedlogom izjasnili "suzdržano".

Predrag Kojovic